

國朝先正事略

國朝先正事略卷之四十五

遺逸

平江李元度次青纂

徐俟齋先生事略 戴易 吳鳴盛 沈廉生

先生姓徐氏名枋字昭法江蘇長洲人俟齋其別字也父忠節公汧崇禎戊辰進士官諭德南都立遷少詹事屢疏詆馬阮爲所訛乞病歸乙酉六月蘇州破正衣冠投虎邱新塘橋下死之事具明史先生弱冠舉崇禎壬午鄉試忠節公將徇國先生號泣欲從死忠節曰吾不可以不死若長爲農夫以沒世可也自是隱居終其身足不入城市初避地汾湖已遷蘆區遷金墅往來靈巖支硎間終於澗上草堂地當天平山麓後人就草堂立

祠祀焉。先生與宣城沈壽民、嘉興巢鳴盛稱海內三遺民。性峻潔，錢戶不與人接。書法孫過庭，畫宗巨然。閒法倪黃，自署秦餘山人。海內得其遺墨，爭寶之。蔡制軍毓榮慕其名，具書幣屬其友人通意，卻之。湯文正撫吳，屏騶從，徒步造門者，再卒不見。嘆息而返。所往來惟壽民及萊陽姜實節、崑山朱用純、同里楊无咎、山陰戴易、甯都魏禧門弟子吳江潘耒。暨南嶽僧洪儲數人而已。黃岡杜濬於並世人獨重先生。及壽民自愧不如先生，耐寒飢，不納人一絲一粟。惟洪儲時急而周之，曰：「此世外清淨食也。」嘗絕糧數日。黃九煙造之，出畫筆，鬻於市，無售者，則曰：「此黃九煙詩畫也。」乃得銀數錢歸。而先生及九煙皆怒，以爲洩九

煙名趣返。其值先生豢一驢甚馴。通人意。日用閒有所需。則以所作書畫卷置麓於驢背。驅之驢獨行。及城闕而止。不闕出一步。見者爭趣之。曰高士驢至矣。亟取卷以日用所需物如其指備。而納諸麓。以為常。康熙三十三年卒。年七十有三。遺命不受弔。商邱朱榮時撫吳。以不得一致。賻送於先生。為憾。所著居易堂集二十卷。文辭健拔。意在扶植世教。無一諛墓酬應之作。又有二十一史彙通。鑑記事類聚。讀史稗語。讀史雜鈔。建元同文錄。管見等書。子文止。文行有父風。早卒。戴易字南枝。山陰人。少從劉念臺先生學。游吳門。年七十餘矣。與先生一見相得。稱老友。先生歿。僅一孫。館粥不繼。謀葬諸祖塋。不獲。南枝曰。吾為

侯齋任此事。相度經年。得地於鄧尉之西。真如塢。謂潘耒曰。地在梅花深處。與高士宜。第索直三十金。未先以十金成券。會有黃山之游。南枝募於人。無應者。遁。矢願賣字。以給之。南枝故善入分書。非其人不可得。至是榜於門。每幅銀一錢。貨遂集。又相旁地。并買之。南枝貧。無隔宿炊。冬月常衣絺。其買字也。錄積寸。索不妄費一錢。一蒼頭飢不能忍。輒逃去。已別寄食僧舍。中語及徐先生。必流涕云。巢鳴盛字端明。號崆峒。幼孤。事母至孝。崇禎丙子。舉於鄉。甲申明亡。母亦歿。卽築室於墓。顏其草堂曰永思閣。口止閤。而自號止園。三十七年。跣步不離墓。次康熙十九年。卒。年七十。侯齋爲定私諡曰貞孝先生。洪儲字退翁。興化人。

氏子出家住鑿巖最久南都覆吳越興義旅退公實左右之辛卯被逮諸義上爭救之久而免好事如故或戒之曰憂患得其宜湯火亦樂國也俟齋先生曰每歲三月十九日退翁必素服焚香北嚮揮涕拜蓋二十八年如一日耳退公嗣法弟子滿天下其最曰正志故大學士嘉魚熊公開元也初入山執爨事退公一見輒知爲非常人其次曰宣城沈慶生故監司壽巖子壽嶽死國事慶生抱王哀之痛遂祝髮事退公後魁姚江名大第

沈耕巖先生事略

耕巖姓沈氏。諱壽民。字眉生。世爲宣城人。性孤峭。不妄言笑。爲文好深湛之思。江右艾千子至宛陵。盛稱之。一時聲華之盛。江上二沈。遂與吳中二張埒。二張謂天如。受先。二沈謂崑銅。及先生。不以名位爲甲乙也。明崇禎丙子。詔行保舉法。巡撫張國維以先生應詔。時流寇躡中原。特起楊嗣昌於苦塊。倚以辦賊。而嗣昌以熊文燦之招撫爲嘗試。逍遙司馬堂先生。伏闕上疏。謂剛常正而後可以正世風。金革奪情。乃陋儒之曲說。卽嗣昌迫於君命。亦應躬歷戎行。枕戈秣草。而乃支吾旦夕。安坐京師。軍旅之寄。一付諸文燦。以招撫爲上策。天下有不殺人而能生人。

者乎。有授柄於賊。而可憐賊者乎。將來釀禍誤國。嗣昌之內。其  
不足食矣。疏爲通政所格。再上留中。不報。黃忠端公道周歎曰。  
此何等事。朝臣不言。而草野言之乎。吾輩媿死矣。於是臺臣何  
楷。錢增。林蘭友。詞臣劉同升。趙士春。相繼劾嗣昌。最後忠端有  
廷辨之事。皆先生發其端也。先生上書報罷。遂棄經生業。與周  
鹿溪。鍾掩。開求。佐王之學。從游者數百人。無何。而黨禍作。阮大  
鍼者。魏闖義兒也。以新聲高會。招來天下士。冀復起。先生於劾  
嗣昌疏中及之。於是顧杲。吳應箕等。推先生之意。作兩都防亂  
揭。以攻之。大鍼恨甚。及得志。按揭中姓名。將盡戮之。而以先生  
爲首。先生變姓名。入金華山。中南都亡。遂匿跡深山。採藜藿。以



自食有知而餽之者皆峻卻曰士不窮無以見義不奇窮無以明操郡守朱元錫致十金辭不獲度置壁中三年未嘗一發視也溧陽陳名夏雅善先生既入相將特疏薦之遣使寓書先生不發函對使焚之溧陽意猶未已先生遺書曰龔勝謝枋得智非不若皋羽所南也而卒殉軀者由多此物色耳今之薦僕者直欲死僕也溧陽歎息止自是避人愈堅足不履城市者三十年當事或邀之及半道望望然去康熙乙卯五月卒年六十九疾革命門人劉堯枝施閏章載筆曰以此心還天地此身還父母此學還孔孟語畢而瞑生平重然諾友人周梅骨死海外子幼先生渡海葬之鹿溪之沒也貌孤爲逋負所逼先生鬻田以

慎始有完卵。與黃梨洲交最篤。別四十餘年矣。臨歿爲書永訣。去易簀十有二日耳。遺集若干卷。附道錄若干卷。

汪魏美先生事略

汪先生諱源字魏美浙江錢塘人少孤貧力學與人落落寡諧人號曰汪冷舉崇禎己卯鄉試與同縣陸公培齊名太守錢君以女妻之初盛飾入門先生誠之乃屏侍婢以疏布躬操作明亡遂棄科舉姻黨欲強之試禮部出千金賂其妻俾勸駕妻曰吾夫子不可勸吾亦不屑此金也嗣因兵亂奉母入天台海上師起羣盜滿山谷始反錢塘僑寓北郭外室如懸磬處之晏如當是時湖上有三高士之目先生其一也當事皆重之監司盧高尤下士一日遇先生於僧舍問汪孝廉何在先生應曰適在此今已去矣盧悵然不知應者卽先生也盧嘗遣人通殷勤於

三高士約置酒湖船以世外禮相見其二人幅巾抗禮盧相得甚歡惟先生不至爲恨事已知其在孤山放船就之終排牆遁去先生不入城市有司或以俸金爲壽不得卻埋之里貴人請墓銘饋百金拒弗納始居孤山遷大慈菴又遷寶名院匡牀布被外殘書數卷鍵戶出或返或不返莫可蹤跡遇好友飲酒一斗不醉氣象瀟灑塵事了不關懷然夜觀乾象晝習壬遁知其耿耿者猶未下也康熙丁酉黃先生梨洲遇之於孤山頗講龍溪調息法各賦詩三章明年同坐葛仙祠又明年笑魯菴中坐月至三更是夜寒甚菴中止布被一先生與梨洲兩背相摩得少緩氣明日梨洲入雲居訪仁菴先生矢不入城至清波門別

去魏叔子自江西來訪。先生謝弗見。叔子留書曰：魏美足下。吾  
寓都魏禧也。欲與子握手。一痛哭耳。足下以尋常游客拒之。則  
可謂失人。先生省書大驚。一見若平生。歡臨別。執手涕下。先生  
嘗從愚菴和尙究出世法。叔子曰：君事愚菴謹。豈有意爲其弟  
子耶。先生曰：吾甚敬愚菴。然今之志士多爲釋氏牽去。此吾所  
以不肯也。乙巳七月三十日。終於寶石僧舍。年四十有八。臨殞  
舉書卷焚之。詩文無一存者。起視日影曰：可矣。書五言詩一章。  
投筆就寢而逝。詩曰：大化無停晷。道術久殫。轍住世守頑形。問  
途猶未徹。至人本神運。可會不可說。冰泮水還清。雲開月方潔。  
一旦破樊籠。逍遙從此別。

郭些菴先生事略 陶汝肅 郭金臺

些菴先生姓郭氏名都賢字天門湖南益陽人父讓以鄉貢知開縣夙有志於道學從吉州郝先生守益游最久先生幼穎異天啟二年進士授行人嘗冊封閩藩七年分校順天鄉試得史可法等六人歷官員外郎出爲四川參議督江西學政分守嶺北道崇禎十五年巡撫江西黜貪墨獎循吏汲汲如不及時張獻忠已逼境賊騎充斥先生晝夜繕守禦兵餉無措乃大會屬僚凡官司一應供給皆捐以助餉左良玉屯兵九江驕蹇觀望先生惡其淫掠檄歸之而自募土兵爲戍語見明史良玉傳嘗有尼之者遂乞病棄官入廬山逾年北京陷悲憤不食南都建

號史公開闢揚州。薦授南京操江。辭不赴。桂王立肇慶。以兵部尚書召而先生已祝髮爲僧矣。先是洪承疇坐事落職。先生奏請起用。至是承疇入本朝。經略西南。以故舊謁先生於山中。於山中餽以金。不受。奏攜其子監軍亦堅辭。先生見承疇時故作目眦狀。承疇驚問何時得目疾。先生曰。始吾議公時。日故有疾。俱默然。甯都魏禧先生撫江西時所得士也。禧嘗上書曰。先生抱道履德。二十年閒。所著述之文。與所交游造就之士。必有偉論奇人。足以振天下之聾聵。開後世之太平者。其推重如此。論者謂先生門下。史忠正之節義。經濟魏叔子之文章。得一已足不朽。可想見師友淵源之盛矣。先生篤至性。哀樂過人。嚴澗。

介風骨嶄然博學強識工詩文書法瘦硬兼善繪事寫竹尤入  
妙人得其片紙隻字爭珍弄之祝髮後號頑石又號些菴茹苦  
無定居初依熊魚山開元尹洞庭民興於嘉魚生梅熟菴已流  
寓沔陽築補山堂前後十九年歸結草廬桃花江復以詩累客  
死江甯承天寺有女名純貞許字黔國公沐氏國變後首問梗  
絕遂終於家純貞能詩自署曰郭貞女先生所著有衡嶽集止  
菴集秋聲吟西山片石集破草鞵集補山堂集些菴雜著等書  
時有陶密菴者與齊名

陶先生汝鼎字仲調一字愛友甯鄉人也少奇慧甫龔應童子  
試督學徐亮生驚喜得異才拔冠湖南數郡崇禎九年充拔貢



生會上幸太學。羣臣請復高皇積分法祭酒。願九疇奏薦先生才。莊烈帝特賜第一。詔題名勒石太學。除五品官。不拜乞。爾監肆業。癸酉舉於鄉。兩中會試。副榜南渡。後由翰林待詔改職。方郎任監軍。復授檢討。南都覆先生。薙髮為山。號忍頭陀。生平內行篤。父歿哀慕終身。事母曲盡孝養。處族黨多。厚德當為人。雪奇冤。冒險難。活千餘人。然不自言也。詩古文有奇氣。書法險勁。名動海內。有楚陶三絕之目。所與遊皆天下名士。而與些菴先生尤篤。著有廣西泮樂府。噉古集。寄雲樓集。褐玉堂集。嘉許堂集。若干卷。些菴為序之。有生同里長同學出處患難同時同志之語。楚南遺獻以此菴密菴兩先生為最著云。

同時郭金臺字幼隗湘潭人本姓陳氏恪勤公之祖也年十二  
遭家難匿中表郭氏得脫郭初無子遂子之生而狀貌奇偉見  
者目爲異人弱冠有聲寰序居家孝友淵默至慷慨談天下事  
議論風生諸監司郡縣旌幣踵至吉藩延至邸館置醴賦詩常  
爲倒屣崇禎己卯壬午兩中副榜會舉行積分法屢薦不起例  
授官亦不就陸武南渡登鄉舉督師何公騰蛟巡撫堵公允錫  
先後論薦授職方郎中再起監司僉事皆以母老辭時獻賊旣  
陷湖湘國賊潰卒復相繼蹂躪縣百里無人烟乃請於督師命  
偏裨練鄉兵爲守禦全活以萬計晚歸隱衡山著書授徒日不  
談世事惟論列當時殉難諸人輒歔流涕及卒自題其阡曰

遺民郭金臺之墓

何仲淵先生事略

先生名宏仁字仲淵浙江山陰人陶文簡公望齡甥也幼習外  
家教復從念臺劉忠正公游明崇禎丁丑進士官建平令有異  
政歲久旱大江以南飛蝗食禾殆盡獨不入建平界未幾以憂  
去蝗遽入北鄉民益神之尋任高要縣興水利清關權方銳欲  
有所施設復以父艱歸隨遭甲申之亂浙東事起強以御史召  
不得已就職建白數萬言或行或不行而事勢已不可支矣丙  
戌五月江上師潰公棄官至劍之白峯自恨不及從亡作詩投  
崖而絕久之復甦土人守之不死隨披薙從方外游入陶介  
山事山主雲藏禪師隨眾樵汲晝夜作苦同事者爲先生難之

先生曰。吾視出沒風濤。閉胸息生死者。何如。而敢言勞苦哉。然先生猶謂去人境不遠。復瓢笠往來。縉雲義烏諸山。與樵翁衲子侶。行歌獨哭。從此遊益遠。入山益深。崎嶇崖壑。醴鹽並絕。所過皆畱詩。祀歲月。遇高僧郭蓮峯。徵君李秘霞。結塵外之交。館畱崇聖寺。藜牀風雨。三人者相對嘿語。終日人不測其所以。居數月而病作。先是己丑四月。先生謂李徵君曰。居此久。幸稍安。願此中常有戚戚者。行別子。飛錫白雲之鄉耳。今畱一函與家人訣。遲其來則示之。至是病困。令出所藏書讀之。曰。吾茹荼齋志。忝厥所生。毀傷莫贖。於國爲不忠。於家爲不孝。死後勿棺殮。我當暴野三日。以彰不忠之罪。三日後火化入塔。勿祔葬先隴。

以彰不孝之罪。讀竟而絕。推先生之心。蓋無日不以爲可悲。而得死之足樂也。然其家仍返葬會稽。玉几之祖阡。以先生本非出世者。從初志也。癸未進士。余公增遠者。字若水。志節士。亂後躬耕山中。自匿跡。不與人接。先生之葬。玉几山也。公子拜求其題。主。余公卽許諾。至期。以舟迎之。來不赴。頃之。自棹一小艇。徑詣墓側。取舊衣冠拜墓上。事訖。下山。賓主不交。一辭主人使客。延之。懇留飲。則舟中已庋粥一盂。羹菜一豆。取啜畢。急解維去。會葬者百餘人。皆目送歎息。謂非先生高節。余公且不易致云。

李昼園先生事略 鄭嬰垣 劉永錫 陸元祝

李因仲諱天植。學者稱昼園先生。浙江平湖人。先世多隱德。崇禎癸酉舉於鄉。性蕭散。自得視世事。泊如也。嘗曰。無欲則心清。心清則識朗。識朗則力堅。時時以誨學者。癸未子諸生觀卒。先生自以有隱愿。痛自刻責。遂絕意仕進。改名雍。字潛夫。國變後。家具蕩然。遂與妻別。隱陳山。絕跡不入城市。訓山中童子自給。自署曰邨學究。老頭陀。居山十年。有僧開堂。以避喧。始返其屋。園賣文自食。不足。則與其妻爲樓。輟竹筍。以佐之。好事者約月供薪米。力辭不受。有司慕其高。往訪之。輒踰垣。避所著詩文。皆弔甲申以來殉節者。昼園者。乍浦勝地。可望見海市者也。又十

年家益困不復能有其國。寄身僧舍。戚友贖。屢歸之。始復與妻居。時年七十矣。子震亦棄諸生。非義一介不取。二老相對時。絕食則歎曰。吾生本贅耳。待盡而已。有餽食者。非其人。終不受。或問以身後。曰。楊王孫之葬。何必棺也。又十年。屨圖僅存二楹。兩耳聾。又苦下墜。終日仰臥。客至。以粉版書相問。龔叔子來。自江西造其廬。先生視。姓字。則強起。張目視之。泣。叔子亦泣。時方絕糧。叔子探囊得銀半兩。贈之。五反不受。固以請。曰。此非盜。跡物也。始納之。買米爲炊。共食。而別。叔子屬周布衣貧。曹侍郎濬。糾同志爲之繼粟。且謀其身後事。吳門徐昭法聞之。曰。李先生不食人食。聽其以餓死可也。已而先生果堅拒。未幾卒。叔子。



聞之曰吾淺之乎爲丈夫已乍浦有鄭嬰垣者孤介絕俗與先生稱金石交先二年凍死雪中至是先生以餓死臨歿曰吾無愧於老友矣時康熙十一年也年八十有二葬牛橋所著恆園集佚惟續修乍浦九山志世有傳本又有劉賸菴者名承錫字欽爾魏縣人亦先生友也崇禎丙子舉人授長洲教諭暑崇明縣事庭無畱獄未幾遭鼎革隱居相城有大吏造其廬欲強之出賸菴袒裼疾視曰我中州男子年二十渡漳河登大徑躍馬鳴鞘兩河豪傑誰不知我乃以此相逼將謂我畏死邪取壁上劍將自刎門人抱持之得解尋移居陽城湖之濱率妻女糠糲以食累日不舉火有遺之粟者非其人不受老奴從魏縣來勸

之。歸曰。室廬故在也。贖菴曰。吾非不欲歸。奉君命來。此君亡義。不可歸耳。乃命其子偕老奴歸。時歲荒。得食愈艱。襤褸作食。妻病不能下咽。竟餓死。一女許字同邑某氏子。某氏宦於粵。音問阻絕十餘年。至是請於父曰。兒不辰。遭家國之變。翁家存亡不可知。畱此身以累大人。無爲也。遂自經死。而其子之歸中途亦死於盜。是日凶問適至。贖菴既無家。乃買破船。往來江湖。閒時從諸遺老遊。嘗泛舟中流。鼓柁而歌曰。白日墮兮野荒荒。逐鬼雁兮侶牛羊。壯士何心兮歸故鄉。風水蕩激歌聲伊鬱。聞者哀之。錢牧齋念其窮。招之往。贖菴曰。彼爲黨魁。受主眷。枚卜時。天子以伊傳期待。今豈忘之邪。卒不往。後數年以窮餓死。

友人陸元泓葬諸虎邱之山塘元泓字秋玉常熟人以志節自  
勵無家園己像於水墨尺幅中自號水墨中人

邵得魯先生事略 張廷美

邵先生名以貫。字得魯。餘姚人。性狷潔。明季石梁陶文覺公之學盛行姚中。沈求如史子虛。其高弟也。願頗參以禪悟。先生亦從之遊。獨講求有用之學。歲饑。糾同志爲義倉。桑梓德之。已而國難作。先生欲死之。以母老不果。遂祝髮爲頭陀。狂走入雪竇山中。妙高臺僧道巖者。故鄞廣交。張廷賓亦姚產。而沈史講會中人也。先生依之。苦身持力。不與人接。鄞故都御史高公斗樞。物色得之。曰。異人也。遣其二弟從之遊。周公彝雲亦以僧服居白坑。時時過從。尋以省母返居澤上園。黃忠端公仲子澤望志節夙與先生近。至是來居園中。夜共讀。謝臯羽遊錄而慕之。曰。

方今豺虎滿天下。五嶽之志不可期矣。四明二百八十峯近在臥榻峯。峯有吾兩人展齒。於是始徧走山中。然山寨方不靖。所在多遷卒。而二公冠服奇古。頻遭詰難。顧不以爲苦。亡何入絕谷。不知所向。方茫然求故道。不可得。俄而峯回路轉。松竹梧桐甚盛。有雞犬聲。趣就之。茅舍一椽。中有幅巾者。出問客何來。則語之以里宅。笑曰。吾亦姚人。避世居此。不虞君之涉吾地也。乃止。宿則告曰。是爲石屋山。僕故孫公碩膚監軍。陳從之也。孫公死海上。吾無所依。來此山中。遂與人世絕。因相顧歎曰。是真桃源矣。澤望嘗曰。得魯自甲申後。輔頰閒無日。不有淚痕。其稍閒口笑者。則遊山耳。未幾澤望卒。先生無所向。自是益卞急。棄家。

投四明山之楊菴。時尙有一妾。先生去亦爲尼菴中。每日晨昏。各上堂禮佛。此外雖茗粥不相通。久之皆卒於菴。先生詩文甚富。散佚無存者。

余若水先生事略 周齊會

余先生諱增。字謙貞。一字若水。會稽人。明崇禎癸未進士。除  
寶應知縣。劉澤清開府淮南。凌轢郡縣吏。先生投牒棄官歸。嘗  
江之役。補禮部主事。遷郎中。事去。逃之山中。郡縣逼之出見。乃  
輿疾城南。以死拒久之。事得解。草屋三間。不蔽風雨。以鱉甲承  
漏。聚村童五六人。授以三字經。臥榻之下。牛宮雞堞。無下足處。  
晨則乘耒出。與老農雜作。未嘗因其貴人而讓。昨也。同年生王  
天錫爲海防道。欲與話舊。先生以疾辭。天錫披帷直入。先生擁  
衾不起。曰。不幸有狗馬疾。不得與故人爲禮。天錫執手。勞苦出  
門。未數武。則已與一婢子。擔糞灌園矣。天錫遙望。見之歎息去。

冬夏一阜帽。雖至昵者不見其科頭。先生慨世路偏仄。遂疑荀  
鄉性惡之說爲確。至欲著論以非。孟康熙己酉十月卒。年六十  
有五。蓋二十有四年不出城南一步也。疾革。黃先生梨洲造其  
榻前。欲爲切脈。先生笑曰。某祈死二十年前。反祈生二十年  
之後乎。梨洲泣然而別。同時有周唯一先生者。名齊曾。字思沂。  
鄞人。先生同年進士也。知廣東順德縣事。變社倉爲義田。而以  
社倉之法行之。又倣西北弓箭社法。修僕區沈命之術。盜一發  
無脫者。國變後。棄官歸。遜入剡源。盡去其髮。爲髮冢。架險立瓢  
榜曰囊雲。自稱無髮居士。剡源饒水石。與山僧樵子出沒瀑聲  
虹影間。王天錫求見。拒之曰。咫尺清輝。舉目有山河之異。不願



見也。爲詩文機鋒電激。汪洋自恣。寓言十九。然清苦自立。胸中兀然。有所不可與若水先生無二也。黎洲嘗做葉水心誌陳同甫王道甫之例。爲兩先生合誌其墓云。

國朝先正事略卷之四十六 遺逸

平江李元度次青墓

惲遜菴先生事略 子壽平

先生諱日初字仲升號遜菴武進人也。舉崇禎六年鄉試副榜。久留京師十六年。應詔上佛邊五策。不報。知時事不可爲。乃歸。攜書三千卷。隱天台山中。三年而兩京亡。唐王立福州。唐王亦監國。紹興吏部侍郎姜垓薦先生知兵。魯王遣使聘之。先生意以監國爲不然。固辭不起。大清兵下浙。遂走福州。福州破。走廣州。廣州復破。乃祝髮爲浮圖。曰明曇。已復至建陽。是時大兵席卷浙閩粵三行省。唐王被執。死魯王亦敗。走海外。湖廣何

屬蛟。江西楊廷麟等皆前後破滅。而明遺臣民尚擁殘旅。進奉  
 永明王。金壇人王祈聚眾入建甯屬縣。多響應。於是建陽士民  
 數百人。噪於先生之門。固請不得。至建甯。見王祈。非初志也。先  
 生曰。建甯大開門戶。能守則諸郡安。然不扼仙霞關。建甯終不  
 守也。欲取仙霞。宜先取浦城。乃遣長子楨。隨副將謝南雲。先趨  
 浦城。失利皆死。而御史徐雲兵連入數州縣。銳甚。先生說令夜  
 襲浦城。自督兵繼進。會大雷雨。人馬衝泥淖。行不能速。將至城  
 下。已黎明。軍遂潰。大清總督廉錦李。率秦統重兵來圍建甯。  
 永明王使兵部尚書楊重熙。赴援。先生上書楊公。請逕取浦城。  
 斷仙霞嶺餉道。徐與圍中諸將夾擊之。楊公至邵武。不能進。建

甯遂破王祈力戰死先生收散卒走蕪信尋入封禁山中數月  
糧盡咽然曰天下事壞散已數十年不可救正然莊烈帝殉社  
稷薄海茹痛小臣愚妄謂卽此可延天命今迺至此徒毒百姓  
何益遂散眾獨行歸常州久之張煌言與鄭成功軍薄江甯敗  
走說傳張公弟鳳翼乃先生門人從師胙縣官將收捕先生色  
如常曰吾當死久矣既而事解卒年七十有八康熙十七年戊  
午也先生少與楊廷樞錢禧交爲文章縱麗於百氏無所不窺  
尤喜宋儒書及從劉念臺先生遊學益進嘗上書申救念臺義  
聲震天下丙戌以後累至山陰哭祭爲之。行狀近十萬言。晚歲  
不得已歸常州仍服浮圖服而言學者多宗之無錫高世泰忠

憲公從子也。重葺東林書院。先生與同志習禮其間。知常州府駱鐘泰。屢求見不納。去官後與一見。言中庸要領。喜而去。曰。不圖今日得聆大儒緒論也。次子桓在建甯被掠而不知所終。三子格。惲。格字壽平。後以字行。改字正叔。自號東園草衣生。又曰白雲外史。既老。稱南田老人。陳錦破建甯時。年才十三。被掠。錦無子。其妻愛其聰穎。子之後。從錦遊杭之靈隱寺。遇遜菴。於塗遜菴因與寺主諦暉謀。俟錦妻入寺。緝言此子宜出家。不然且死。錦妻故佞佛。留之。寺中泣而去。自是始得歸。以父兄忠於明。不應舉。惟攻古文詞。其於畫。天性也。山水學王蒙。既與常熟王翬交。曰。君獨步矣。吾不爲第二手。遂兼用徐熙黃荃法。畫花鳥。

自爲題識書之。世稱南田三絕。宋尙書華曰。南田畫吾暗中摸索能辨之。王太常時敏遣使招至。以方出遊。不時至。至則太常已病革。喜甚。榻前一握手而逝。家甚貧。風雨常閉門。餓然非其人。不與畫。視百金猶土芥也。所居甌香館。倡酬皆一時名宿。卒年五十四。著有南田集。

祁奕喜先生事略

魏耕

先生諱班孫字奕喜小字季郎山陰人祁忠敏公次子也忠敏諱彪佳明蘇松巡撫少從劉忠正公游南都破死節明史列傳有子二長理孫以大功兄弟次其行稱祁五公子而呼先生爲六公子初忠敏夫人商氏嘗夢老衲入室生公子美姿容白刻齒而雙足重趺頗惡劣日能行數百里又時時喜跌躄娶朱氏故少師忠定公燮元女孫也忠敏靖節之月東江兵起恩郵諸忠而忠敏贈兵部尚書祁氏羣從之長曰鴻孫故嘗與忠敏同受業戡山至是將兵江上思以申忠敏之志而先生兄弟嚮家餉之事去先生之婦翁戒曰勿更從事於焦原矣不聽祁氏自

夷度先生以來藏書甲江南其諸子尤豪喜結客講求食經四方簪履麇集及先生兄弟以故國喬木自任屠沽負販之流兼收並蓄家居山陰之梅墅其園亭在寓山柳車踵至登其堂複壁大隧莫能詰也惑谿布衣魏耕者狂走四方思得一當爲毫社計桑榆先生兄弟則與之誓天稱莫逆耕之談兵也有奇癖非酒不甘非妓不飲禮法之士莫之許先生獨以忠義故曲奉之時其子則盛陳越酒呼若耶溪娃以侑觴又發淡生堂壬遁劍術諸書供採擇又徧約同里諸遺民如朱士稚張宗道輩以疏附之或告變於浙之幕府刊章四道捕耕有首者曰茗上乃其婦家山陰之梅墅乃其死友所嘯聚大帥急發兵果得之爲



先生兄弟去既讞兄弟爭承祁氏客謀曰二人併命不更慘乎  
乃納賂而省其兄先生適成逾左其後理孫竟以痛弟鬱鬱死  
而祁氏家爲之破然君子則曰是不愧忠敏子也當是時禁網  
尙疏甯古塔將軍得賂則弛約束康熙丁巳先生脫身遁歸里  
社中漸物色之乃祝髮於吳之堯峯尋主毘陵馬鞍山寺所稱  
旣林明大師者也好議論占今不談佛法每及先朝則掩面哭  
然終莫有知之者癸丑十一月十一日忽沐浴曳杖幾堂曰我  
將西歸入暮端坐逝發其篋有東行風俗記紫芝軒集且得其  
遺教欲歸柩乃知爲山陰祁六公子自關外來者遂得返葬先  
生性好奇其東歸也畱一妾焉彼繼時亦累東游東人或與談

禪受其法稱弟子。嘗曰：甯古塔巖。姑天下第一。吾妾所好。離下  
出者。又爲甯古塔第一。令人思之。不置。東人至今誦其風流。婦  
朱最工詩。其來歸也。與君姑商夫人。媿張氏。小姑湘君。時相唱  
和。商夫人字豕婦。曰楚。纓字介婦。曰趙璧。以志閨門之盛。先生  
被難。朱尙盛年。孤燈繙帳。數十年。未嘗一出廳屏。自先生兄弟  
歿。淡生堂書星散。論者謂江東文獻大厄。邇也。

沈斯菴先生事略

張士樞

烏。摩。滄。桑。改。革。之。際。貞。臣。遺。老。有。託。而。逃。者。眾。矣。而。蹤。跡。莫。奇。於。四。明。沈。先。生。先。生。名。光。文。字。文。開。一。字。斯。菴。鄞。人。也。少。以。明。經。貢。太。學。乙。酉。豫。於。黃。江。之。師。授。大。常。博。士。丙。戌。浮。海。至。長。垣。再。豫。琅。江。諸。軍。務。晉。工。部。郎。戊。子。闈。師。潰。而。北。扈。從。不。及。聞。粵。中。方。建。號。乃。走。肇。慶。累。遷。太。僕。卿。辛。卯。出。潮。陽。航。海。至。金。門。閩。督。李。率。奏。方。招。徠。故。國。遺。臣。密。遣。使。以。書。幣。招。之。先。生。焚。其。書。返。其。幣。時。粵。事。不。可。支。先。生。遂。留。閩。思。卜。居。於。泉。州。之。海。口。浮。家。泛。宅。忽。颶。風。大。作。舟。人。失。維。飄。泊。至。臺。灣。時。鄭。成。功。尙。未。至。而。臺。灣。爲。荷。蘭。所。據。先。生。從。之。受。一。廛。以。居。極。旅。人。之。困。弟。惟。

也。遂與中土音耗絕。海上亦無知先生。生。死。者。辛。丑。成。功。克。臺。灣。知。先。生。在。大。喜。以。客。禮。見。時。海。上。諸。遺。老。多。依。成。功。入。臺。亦。以。得。見。先。生。爲。喜。握。手。相。勞。苦。成。功。令。麾。下。致。餼。且。以。出。宅。贖。之。亡。何。成。功。卒。子。錦。嗣。頗。改。父。之。臣。與。政。軍。亦。日。削。先。生。作。賦。有。所。諷。或。讒。之。幾。至。不。測。乃。變。服。爲。浮。屠。逃。入。臺。之。北。鄙。結。茅。羅。漢。門。山。中。以。居。或。以。好。言。解。之。於。錦。得。免。山。旁。有。伽。漚。灣。番。社。也。先。生。於。其。間。教。授。生。徒。不。足。則。濟。以。醫。歎。曰。吾。甘。藜。零。絕。島。棄。墳。墓。不。顧。者。不。過。欲。完。髮。以。見。先。皇。帝。於。地。下。耳。而。卒。不。克。命。也。夫。已。而。錦。卒。諸。鄭。復。禮。先。生。如。故。癸。丑。王。師。下。臺。灣。諸。遺。臣。皆。物。故。先。生。亦。老。矣。閩。督。姚。啟。聖。招。之。先。生。辭。不。

公貽書問訊曰。管甯無恙。因許遣人送先生歸鄞。會姚公卒。不  
果。而諸羅令李麟光賢者也。爲粟肉之繼。旬日一候門下。時言  
宿已盡。而高公漸集。乃與宛陵韓文琦。闕中趙行可。無錫華容  
鄭廷桂。榕城林奔丹。山陽宗城。螺陽王際慧等。結詩社。所稱福  
臺新詠者也。尋卒於諸羅。葬焉。後人遂始臺。番衍成族。先生居  
臺三十餘年。日見鄭氏三世盛衰。前此諸公。連作多佚於兵燹。  
惟先生得保天年。於承平後。海東文獻。推爲初祖。所著花木雜  
記。臺灣賦。東海賦。檮賦。桐花賦。古今體詩志。臺灣者。皆取資焉。  
邑子全謝山。嘗令遊臺者。訪先生文集。竟得之以歸。凡十卷。錄  
入甬上耆舊詩。烏虜先生依依故國。與蔡子英之在漠北。同然。

以子英之才。豈無述作。卒委棄於絕域。識者借焉。先生靈光。豈然。得以其集。重見於世。爲臺人破荒。亦少慰處淵之恨矣。同時有張先生。士櫛者。惠安人。崇禎癸酉副榜。明亡。遜跡臺灣。居東安坊。杜門不出。日以書史自娛。辟穀三年。惟食茶果。壽至九十。九乃終。

陸周明先生事略

先生姓陸氏。名字燭。字周明。浙之鄞人也。父世科。明大理卿。先生少與錢忠介公肅樂共學。忼慨有大志。忠介江上之師。先生實左右之。祥興。航海風帆浪楫。得棲遲金鼇。牡蠣閒。皆一時遭臣烈士。出死力。奉之以終。腦水殘山之局。雖側隲焦原。糜嘔灌族。不計也。方事之殷。餘姚黃先生。梨洲昆弟。亦嘗戮力共事。先生嘗偕其客十數人。過梨洲。與其計畫。客皆四方知名士。梨洲亦開至其城西田舍。覆壁柳車。雜賓死友。每食。嚼嗟立。辨仰視天。俛盡地。耿耿者。未嘗一日忘。其後梨洲知事不濟。自屏於窮山。先生亦不相聞問。然喜事。乃益甚。江湖間多傳其姓名。以爲

異人。燦熙癸卯先生爲降卒所誣。捕入省獄。獄具。先生竟得脫。歸。未至。寓而卒。先生旣以好事罄其家產。室中所有。惟草。書。及。紫。及。故。書。數。百。卷。訃。聞。家。人。掃。除。其。室。得。布。囊。於。亂。書。之。下。之。則。人。頭。也。其。弟。春。明。識。其。面。目。捧。之。而。泣。曰。此。故。少。司。馬。菴。王。公。頭。也。初。司。馬。兵。敗。懸。首。於。甬。之。城。闕。先。生。思。收。瘞。之。徘徊。其。下。一。日。見。暗。中。有。頓。首。而。去。者。跡。之。走。入。破。屋。先。生。曰。子。何。人。對。曰。吾。漁。人。也。先。生。曰。子。必。有。異。無。吾。隱。其。人。曰。余。毛。明。山。曾。以。卒。伍。事。司。馬。今。不。勝。故。主。之。感。耳。先。生。相。與。流。涕。共。詣。江。子。雲。計。所。以。收。其。頭。者。江。子。雲。者。故。嘗。與。先。生。共。學。又。錢。忠。介。部。將。也。矢。勢。家。居。會。端。陽。競。渡。遊。人。雜。沓。子。雲。紅。笠。握。刀。



從十餘人登城遊擊至泉頭所問守卒曰誰戴此頭也者卒以  
司馬對子雲佯怒曰嘻吾怨家也亦有今日邪拔刀擊之繩絕  
墜地先生及明山已豫立城下方是時龍舟噪其人無回面易  
視者先生以身蔽明山拾頭雜稠人而去先生得頭祀之書堂  
蓋十有二年矣而家人無知者至是春明始瘞之昔李因死汝  
南郭亮左提章鉞右秉鉄鎖詣闕上書乞收其屍南陽董班亦  
往哭固殉屍不肯去縗布奏事彭越頭下祠而哭之彼皆門生  
故吏故冒死不復顧先生於司馬非有是也徒感其忠義遂不  
惜捍當世之文網豈不尤賢乎哉始先生讀書時有弟子訟其  
師師不直先生詣文廟伐鼓慟哭卒直其師而後止歸震川嘗

敘唐欽堯爭同舍生之獄。以謂苟生兩漢時。卽此可以顯名當世。在先生視之。詩常瑣節耳。先生卒後。黎洲先生誌墓石。其文因不後震川也。先生有子二女。適同邑萬斯大。

周德林先生事略

周先生諱元懋字柱礎別字德林鄞縣人尙書文穆公應賓猶子也。以文穆任累官南京屯部郎中權揚關奉使蜀中歸出知貴州思南府母憂未赴任而國難作先生跌宕自喜初欲以文章發名成業及受門資之寵非其好也。都御史廖大亨曰門資豈足屈人在人自主耳李衛公非起家任子者乎。唐中葉宰相無其匹矣。先生乃大喜魯王建國東江先生服未闕錢忠介公招之固辭不出而破家輸餉無少吝丙戌六月家人自江上告失守先生慟哭自沈於水以救得甦乃祝髮入灌頂山中先生故善飲至是益縱酒又不喜獨酌呼山僧不問其能飲與否強

斟之夜以達旦。山僧爲所苦，皆逃匿。則呼樵者與飲，樵者以日暮長跪乞去，固持之。尋亦逃。先生無與共，則斟其侍者已而侍者醉臥，乃呼月酌之。月落呼雲酌之，灌頂去。先生家且百里，酒不時至。又嘗山難見，酒徒乃返其城西枝隱軒，每晨起輒呼子弟飲。子弟去則呼他人，或其人他去則呼酒極之。於所往斟之不遇，則執途之人斟之。於是環所居浮石十里，閒望見先生者相牽引避不得已。乃獨酌。先生既積飲且病，勸止酒者無算。輒張目不答，或吐去之。惟江湖俠客以事投止者，雖酣醉時輒蹙然起接之，無失詞聲。所有輪之，惟恐後也。以是盡毀其家。庚寅，嘔血不可止，竟卒。年四十四。妻亦以毀卒。前太常博士王公玉。

書哭之曰。德林兀然狂放於麴糵間。箕踞叫號。俾畫作夜。幾不知身在何世。身外有何天地。舍此且不知吾身置於何所。昔人詩云。酒無通夜力。事滿五更心。德林爛然長醉。蓋期於無復醒時。以自全也。先生不死於水而死於酒。其宋皇甫東生之流歟。浮石周氏國變後。披緇者三人。通城佯狂以死。所謂顛和尚者也。順德苦身持力。畢生不入城市。所謂苦和尚者也。而先生獨以醉和尚稱。

傅青主先生事略

陽曲傅先生山字青竹改字青主別署公之它亦曰朱衣道人  
又字齋廬六歲岐黃精不樂穀食強之乃復飯少與孫公傅歷  
共學讀書過目成誦明季天下將亂諸號爲搢紳先生者多腐  
惡不足道憤之乃堅苦持氣節不少姘嬰提學袁公繼成爲巡  
按張孫振所誣孫振闖黨也先生約同學曹良直等詣通政使  
三上書訟之不得達乃伏闕陳情時巡撫吳公姓亦直袁竟得  
雪先生以此名聞天下馬文忠世奇爲作傳以謂裴瑜魏劭復  
出既曹公任兵科先生貽書曰諫官當言天下第一等事以不  
負故人之期曹公愜然卽疏劾首輔周延儒錦衣衛駭養性直

聲震一時。先生家世以學行師表晉中。得其山川雄深之氣。思見諸實用。時蔡忠襄懋德撫晉。寇已亟。講學三立書院。亦及軍政軍器之屬。先生往聽之。曰。迂哉公言。非可起而行者也。甲申國變。夢天帝錫之黃冠。乃衣朱衣。居土穴。養母。明年袁公自九江。羈燕邸。以難中。詩遺先生。曰。不敢愧友生也。先生省書。慟哭。曰。嗚呼。吾亦安敢負公哉。甲午。以鞫連被逮。抗詞不屈。絕粒。九日。幾死。門人有以奇計救之者。得免。然先生深自咤恨。謂不若速死爲安。而其仰視天俯畫地者。未嘗一日止。如是者二十年。天下大定。始以黃冠自放。稍稍出土穴。與客接。有問學者。則告之曰。老夫學莊列者也。仁義禮樂。卽強言之。亦不工。又雅不喜





貴者喜曰此一字千金也吾求之三年矣先生既絕世事而家傳故有禁方乃資以自活子曰眉字壽豈能養志每日樵山中置書擔上休擔則取書讀之中州有吏部郎者故名士訪先生問郎君安在先生曰少需之且至矣俄有負薪歸者先生呼曰孺子來前肅客吏部頗驚抵暮先生令伴客寢則與敘中州文獻滔滔不置吏部或不能盡答也詰朝謝先生曰吾甚慚於郎君先生喜苦酒自稱老槩禪眉乃自稱小槩禪或時出遊眉與子共挽車暮宿逆旅仍篝燈課讀經史騷選諸書詰旦必成誦乃行否則子杖故先生家學大河以北莫有窺其藩者嘗批集古錄曰吾今乃知此老真不讀書也康熙戊午詔舉博學鴻

儒給事中李宗孔以先生薦。時年七十有四矣。眉已前卒。固辭不可。乃稱疾。有司令役夫舁其牀以行。二孫侍。將至京師三十里。以死拒。不入城。於是馮相國溥首過之。公卿畢至。先生臥牀。不具迎送禮。魏公象樞乃以其老病上聞。詔免試。放還山。先生與杜徵君起尤篤老。命各加中書舍人以寵之。馮公乃詣先生曰。恩命逾常格。其強入一謝。先生不有。馮公令賓客百輩說之。遂稱疾篤。乃使人舁以入。望見午門。淚滂滂下。馮公強掖之。使謝。則仆於地。魏公進曰。止。止。是卽謝矣。翼日歸。相國以下皆出城送之。先生歎曰。今而後其脫然無累哉。既而曰。使後世或妄以劉因輩賢我。且死不瞑目矣。聞者咋舌。自京師歸大

吏咸造廬請謁先生自稱曰民冬夏著一布衣帽以氈或曰君非舍人乎不應也及卒以朱衣黃冠殮所著霜紅籠集十二卷眉詩附焉先生嘗走平定山中爲人視疾失足墮崩巖僕大驚哭曰死矣先生旁皇四顧見有風峪甚深中通天光百二十六石柱林立則高齊所書佛經也摩娑終日出欣然忘食其嗜奇如此願甯人嘗曰蕭然物外自得天機吾不如傅青主

張白雲先生事略

張先生怡字瑤星初名鹿徵上元人父可大明季總兵登萊死國難先生以諸生授錦衣衛千戶甲申流賊陷京師遇賊將不屈械繫將肆掠其黨或義而逸之久之始歸故里其妻已前死獨身寄攝山僧舍足不入城市鄉人稱白雲先生當是時三楚吳越耆舊多立名義以文行相高惟吳中徐昭法宣城沈眉生躬耕窮鄉雖賢士大夫不得一見其面然尚有楮墨流傳人間先生則躬樵汲口不言詩書學士詞人無所求取四方冠蓋往來日至茲山而不知山中有是人也方處士仲舒余處士公佩歲時問起居入其室架上書數千百卷皆所著經說及論述史

事請貳之弗許。曰：吾以盡吾年耳。已市二喪。下棺則併藏焉。卒年八十有八。平生親故。夙市良材。爲具棺槨。疾革。聞而歎曰：昔先將軍致命危城。無親屬視含殮。雖改葬。親身之棹。未能易也。吾忍乎。願從孫某。趣易棺。定附身衾衣。乃卒。乾隆初。詔修三禮。求遺書。從孫某以書詣郡太守。命學官集諸生寫之。久之未就。書遂無傳者。

李向若先生事略

附錄

先生名灌字向若陝西郃陽人幼警敏讀書日盡數千言明崇禎癸酉舉人甲申之難痛哭北上與呂孝廉得璜約同死王事渡河如晉其父以書止之乃不果棄家東渡至角北寺遂薙髮爲僧放浪太華黃河關入山采藥或累歲不知所向或黃冠緇衣行哭都市識者曰此必李子向若也跡之果然已翩然遁矣國初徵書累下皆引疾不起行蹤奇誕多寄跡僧房梵宇與田夫牧豎伍又自結茅菴於河澗終歲屢空晏如也性至孝負經濟才博極秘籍詩文清雄奇宕自成一家與人言闕衍浩渺一歸本於忠孝長吏求一見不可得既歲於乳羅山鑿石室以居

得田數十畝。名小桃花源。居數月。遁去。嘗遊華山。至落雁峯。方移目。有異人飛空而至。語久之。且曰。要知未來。但觀已往。語似有道者。先生卒。雲中郭君匡廬。爲題碣曰。逸民李向若先生之墓。路徵君振飛書也。同時甯柏岩者。名滋。字季騰。自號甯墟山人。與先生同邑。少補諸生。性古執。木強。言動不苟。邑賢令范公器之。招入西河書院。日與講學論文。雅好古工。考證發明。四禮於喪祭尤篤。國變後。盡室入山。家臥虎岡之北谷。爲土室。終歲尸居。其間或登梁山。臨清泉。鳴琴寤歌。非其人。卽避去。足跡不入城。而者垂五十年。